



Inatsisartut ilaasortaq Justus Hansen
E-mail uunga nassiunenqarpoq inatsisartut@inatsisartut.gl

§ 37 apeqqummut 2019-005 akissut

22-01-2019

Asasara Justus Hansen

Sags nr. 2019 – 655/AN 2019-
638

Qujanaq apeqqutinnut, matumuuna akineqartunut.

Postboks 1037

3900 Nuuk

Tlf. (+299) 34 50 00

Fax (+299) 34 63 50

E-mail: oed@nanoq.gl

www.naalakkersuisut.gl

Apeqquut 1

Aningaasaqarnermut inatsimmi konto pingaarnermi 24.11.10 atuarneqarsinnaavoq eqqussinnermut akitsuutit sukkunut, kaffi/tii sukkulaanullu ukiumut isertitassat 50 millioner koruuniusut. Tassunga atatillugu apeqquteqarusuppunga:
a: Aningaasani taakkunani qanoq annertutigisoq sukkumeersuaa?
b: Aningaasani taakkunani sukkumeersumit qanoq annertutigisoq nunatsinneersunit suliffeqarfinneerpa? Aningaasami taakkunani sukkumeersumit qanoq annertutigisoq nunatsinneersunit suliffeqarfinneerpat sukkunik akulinnik sanasartunit soorlu kaagit sikullu?

Apeqquut 1 a-mut akissut

Ukiuni kingullerni tallimani eqqussuinnermut akitsuutit ukiumut 7-8 mio. kr.-usarsimapput, akitsuutit allanngorsimatinnagit aningaasaqarnermi ukiumi aggersumi naatsorsuutigineqarpoq 7,5 mio. kr.-t missaaniinnissaat.

Apeqquut 1 b-mut akissut

Akitsuutit annertussusaat suliffeqarfiillu sorlerneersuuneri nalunaarsuisoqanngilaq. Taamaammat maannakkut sukkunit akitsuut qanoq annertutigisoq nunatsinneersunit suliffeqarfinneersuq akisinnaangilarput.

Apeqquut 2

Sukunik akulinnik sanasartunit soorlu kaagit sikullu, ajunngitsorsiat 2007-miit peerneqarnerisa kingorna suliffeqarfinnut nunatsinneersunut qanoq kinguneqarsimanersuq Naalakkersuisut misissuititsinikuuppat? Misissuititsisoqarsimangippat peqqutaat Naalakkersuisunit nassuiaateqquneqarput.

Apeqquut 2-mut akissut

Qulaani 1 b-mi akissut takoqquneqarpoq. Malugeqquneqarporlu eqqussuinnermut akitsuutip nalunaarsornerisa suliffeqarfiit sukkutalinnik nioqqutissiornerinut takussutissaangimmat.

Naalakkersuisut ulloq manna tikillugu misissuititsinissamut aningaasartuuteqarnissaminnik sulii immikkut pisariaqarneranik takunikuunngillat.

Apeqqu 3

Naalackersuisut WTO imaluunniit EU assingusullu eqqarsaatigalugit suliffeqarfinit nunatsinneersunut ajunngitsorsiatut ittunik atuutsitseqqilernissartik inatsisigit aporfeqarsorivaat?

Apeqqu 3-mut akissut

Ullumikkut Kalaallit Nunaanni suliffeqarfinni tunisassiani atortussanik nioqutissiornisamat akitsuutitut ajunngitsorsiaqartitsisinnaanerminnik akitsuutilersuinermit inatsimmi periarfissaareerpoq.

WTO-mut tunngatillugu Naalackersuisut nalunaarutigisinnaavaat Kalaallit Nunaat ukiut pingasukkaartumik WTO-p allaffeqarfianut WTO-mi inatsisit malinnerlugit nalunaarusiortarmat art XXVIII, 5 i GATT 1994 malillugu. Nalunaarut kingulleq ulloq 1. januar 2018 atuutilerpoq. EU-mut tunngatillugu Kalaallit Nunaat ilaasortaangilaq taamaattumik inatsisaannut malinnittussaataitanani.

Apeqqu 4

Suliffeqarfinni nunatsinneersuni sulisoqarniarneq qaffassarumallugu Naalackersuisut sukkunut akiitsunut ajunngitsorsiaqarnerup eqquteqqinnissaa eqqarsaatigisinnaavaat?

Apeqqu 4-mut akissut

2007-imi sukkumut eqquusuinermit akitsuutip qaffannerani periuseq unitsinneqarpoq, kingornalu suliffeqarfinit nunatsinneersunit sukkutalinnik nioqutissiornermi ajunngitsorsiaqarneq unitsinneqarpoq.

Ajunngitsorsiaqarnerup unitsinneqarneranut peqqutaavoq peqqissutsimut pitsanngorsaannissamik kissaateqarneq sukkunik annikillisaasoqarusummat. Siornatigut akitsuusersuineq isumaqarpoq sukkut eqqunneqartut ilaatigut ajunngitsorsiatut pingajorarterutaannai akitsuuserneqartarmata. Taamaammallu ajunngitsorsiaqarnerup atorunnaarsinnissaa pisariaqarsimavoq akitsuusersuinermit iluaqutaassappat.

Naalackersuisut suli ullumikkut tamanna atuummat ajunngitsorsiaqarnermik atuutsitseqqilernissaq pisariaqarsorinngilaat.

Ilanngullugu Naalackersuisut isumaqarput, suliffeqarfinnut ataasiakkaanut akitsuutit aqqutigalugit sulisoqarniarneq qaffassassallugu tulluanngitsoq. Illuatungaanili suliffeqarfiiit sulisoqarnertik qaffassassagunikku ammasumik ingerlatsinissaq eqqarsaatigalugu sulisoqarnermut siuarsaatit atuuttut kiisalu aningaasaqarnermut inatsimmi tapiissutit aqqutigalugit pinissaat innersuussutigaat.

Apeqqu 5

Naalackersuisut suliamut tunngasunik iluaqutaasinnaasunik paasisutissaa-teqarpat?

Apeqquut 5-imut akissut

Naalakkersuisut suliamut tunngasunik iluaqutaasinnaasunik paasisutissaateqanngillat.

Inussiarnersumik inuulluaqqusillunga


Vittus Qujaukitsoq